



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola VII. Gregorii Papae I. Ad Ioannem Episcopvm Larissaevm. De iniusta condemnatione Hadriani.

urn:nbn:de:hbz:466:1-15221

mus: ut nec illi fraternitatis tuae noceat contra iustitiae transmitem prolata sententia, nec caritas tua pro placanda futuri indignatione iudicis incorrecta remaneat.

EPISTOLA VII.

GREGORII PAPÆ I.

AD IOANNEM EPISCOPVM LARISSÆVM.

De iniusta condemnatione Hadriani.

Gregorius Ioanni episcopo Larissæo.

FRATER noster Hadrianus, Thebanæ ciuitatis episco-
pus, ad Romanam vrbem veniens lacrymabiliter est
conquestus, de quibusdam capitulis se a fraternitate tua,
nec non a Joanne primæ Iustinianæ vrbis episcopo, non
legitime neque canonice condemnatus. Cumque per diu-
turnum tempus nullam diuersæ partis videremus huc ad-
uenire personā, quæ eius debuisset obiectionibus respon-
dere, necessario cognoscendæ veritatis intuitu, ea quæ pe-
nes vos acta sunt relegenda tradidimus. Ex quibus cogno-
uimus Ioannem atque Cosmam diaconos, vnum pro lu-
brico corporis, alterum pro fraudibus ecclesiasticarū re-
rum proprio depulsos officio, de pecuniariis criminalibus-
que capitulis aduersus eum piissimis nostris imperatoribus
suggessisse. Qui per iussiones suas te voluerunt, seruata vi-
delicet iuris Canonumque distictione, cognoscere; ita ut
de pecuniariis quidem ferres firmam iure sententiam: de
criminalibus vero, eorum clementiæ, habita subtilius ex-
aminatione suggestereres. Quod si tam rectas iussiones tua
fraternitas recte quoque mentibus accepisset, nunquam
viros pro suis excessibus proprio amotis officio, atque
iam inimicantis animi, ad accusationem passim sui suscep-
isset episcopi; maxime cum ex suggestione piissimis do-
minis oblata, eorum sit detrecta fallacia: quia cum consen-
su omnium clericorum hæc contra suum pontificē se sug-
gessisse professi sunt. Post hæc tamen, ut breuiter quædam
strictimque quæ aquid te sunt acta percurram, primum ca-
pitulum penes fraternitatem tuam motum est Stephani
Thebani diaconi: cuius vitam quasi sciens turpissimam
Hadrianus episcopus, non eum sui ordinis honore priua-
uerat. Quod capitulum, nullus deductorum testimoni ad

Concil. Tom. 13.

Nn ij

Grat. 16. qu.
1. c. 52. Po-
lyc. lib. 1.
tit. 7.

Hadriani episcopi dicit peruenisse notitiam: nisi quod solus Stephanus turpis vitæ suaque professione damnabilis dicitur esse confessus. Secundum capitulum aduersus eum videtur esse propositum, de infantibus eius iussu a sacri baptismatis susceptione prohibitis, atque ita in abluta sorte peccati defunctos in tenebris. Sed nullus aduersus eum deductorum testium professus est nosse se tale aliquid ad Hadriani episcopi peruenisse notitiam, sed a matribus infantum, quarum viri remoti pro culpis, ut dicitur, ab ecclesia fuerant, se cognouisse dixerunt. Sed nec in baptizatos eos mortis tempus professi sunt occupasse, sicut accusatorum continebat inuidiosa suggestio: cum in Demetriadie ciuitate baptizatos eos esse constiterit. Et haec quidem de criminalibus causis. De pecuniariis vero qualiter a te fuerit iudicatum, inquisitio deputatorum a principe virorum piissima iussione serenissimis principibus attestatur. Nam cum tuam saepfatus Hadrianus suspendisset appellatione sententiam, quantum ex quatuor testium depositionibus apud Ioannem primæ Iustinianæ episcopum prolatis agnouimus, arctissima detrusus custodia libellum, in quo obiecta sibi confiteretur capita, tuæ coactus est fraternitatì porrigere. Qui quidem in porrecto a se libello de pecuniariis inuenitur tuæ consensuisse sententiæ. Criminalia vero medio quodam dubioque verborum calle transcurrit, ut & tua quibusdam subiectis nebulis frustraretur intentio, & ipse porro a confessione imperplexæ locutionis obscuritate refugeret. Cumque porrecta appellatio per homines eius, ceteraque quæ penes te gesta sunt piissimis fuisser deportata principibus deputatis: ut diximus, Honorato diacono sedis nostræ, & Sebastiano glorioso antigrapho, cunctisque examinatis subtiliter a serenissimis est dominis ab omnibus iussionibus absolutus. Sed nescio quibus machinationibus exquisitis alia rursus est principalis iussio elicita; ut de cunctis antefatis capitulis Ioannes primæ Iustinianæ episcopus requirens subtiliter iudicaret. In cuius iudicio omnes clerici Hadriani episcopi, & Demetrius diaconus inter tormenta professus est, omnem hanc contra Hadrianum episcopum calumniam, fraternitatis tuæ machinatione confectam. Nec aliqua de capitulis ipsis, quæ in tua audientia criminaliter obie-

Grat. 16.
q. 1. c. 12.
Ioan. diac.
libro 4. cap.
26.

cta fuerant, Hadriano episcopo sunt probata. Sed prouenit alia contra Canones ac leges in Demetrio diacono eius, aliisque personis crudelis atque dolorosa discussio, in qua nihil pene repertum est, ex quo saepe memoratus Hadrianus damnari legitime debuisset, sed magis ex quo potuisset absoluui. Sed de Ioanne primae Iustinianæ vrbis antistite, ac de nequissimo eius damnandoque iudicio alias sumus iuuante Domino tractaturi. Hadrianum vero episcopum reperimus, & tuo contra sacerdotes mores odio laborasse, & nullo iure pecuniariis in causis eum fraternitatis tuae condemnatum fuisse sententia. Quia igitur & ab antefato Ioanne primæ Iustinianæ episcopo contra ius Canonesque depositus, honoris sui gradu carere non potuit, in sua eum reformari ecclesia, atque in propriæ dignitatis ordinem decreuimus reuocari. Et cum oportuisset te ex eo dominici corporis communione priuari, quod admonitione sanctæ memoriae decessoris nostri contempta, per quam eum ecclesiamque eius de tuae iurisdictione potestatis exemit, rursus in eis aliquid tibi iurisdictionis seruare præsumpsis: tamen nos humanius decernentes, communionisque tibi sacramentum interim conseruantes, decernimus ut fraternitas tua ab eo ecclesiaque eius omne[m] antehabitæ suæ potestatem iurisdictionis abstineat, & secundum scripta decessoris nostri, si qua causa vel fidei, vel criminis, vel pecunaria aduersus præfatum Hadrianum consacerdotem nostrum potuerit euenire, vel per eos qui nostri sunt vel fuerint in vrbe regia responsales, si mediocris est quæstio cognoscatur, vel huc ad apostolicam sedem, si ardua est, deducatur, quatenus nostræ audientiæ sententia decidatur. Quod si contra hæc quæ statuimus, quolibet tempore, seu qualibet occasione, vel surreptione venire tentaueris, sacra scias te communione priuatum; nec eam te, excepto ultimo vitæ tuae tempore, nisi concessa Romani pontificis decernimus iussione percipere. Hæc enim consueta sanctis patribus definitione sancimus, vt qui sacris nescit obedire Canonibus, nec sacris administrare, nec communionem capere sit dignus altaribus. Res autem siue sacras, siue alias mobiles immobilesque eius ecclesiæ, quas haec tenus diceris retinere, quarum notitiam nobis oblatam præsentibus

Grat. 15. q.
1. cap. 8.

Nn iii

annectimus literis, sine aliqua ei dilatione fraternitas tua restituat. De quibus si qua inter vos quæstio vertitur, volumus ut apud responsalem nostrum in vrbe regia ventiletur.

EPISTOLA VIII.

GREGORII PAPÆ I.

AD NATALEM EPISCOPVM SALONITANVM.

Vt non deponatur episcopus nisi in Conuentu
episcoporum.

Gregorius Natali episcopo Salonitano.

Ioan. diac.
lib. 4.c. 28. CVM cuncta negotia indagandæ solicitudine veritatis
indigeant, tum quæ ad deiectionem sacerdotalium
graduum pertinent districtius sunt trutinanda: in quibus
non tam de humanis constitutis, quam de diuinæ quo-
dammodo benedictionis refragatione tractatur. Quæ res
quoque nos in Florentii Epidauritanæ ciuitatis episcopi
persona ad exhortationem vestræ fraternitatis admonuit.
Nuntiatum siquidem nobis est, a quibusdam fuisse eum
in causis criminalibus accusatum: & nullis canonicis pro-
bationibus exquisitis, nec sacerdotalis Cōcilii præuenien-
te iudicio eum ab honoris officio, non iure, sed auctorita-
te depositum. Quia ergo non potest quemquam episco-
patus gradu, nisi iustis ex causis, concors sacerdotum
summouere sententia; hortamur fraternitatem vestram,
vt præfatum virum ex eodem, in quo detrusus est, eiici fa-
ciatis exilio, causamque eius episcopali disceptatione per-
quiri. Et si in his in quibus accusatur canonica fuerit pro-
batione conuictus, canonica procul dubio est vltione ple-
tendus. Quod si alias quam de eo æstimatum est syno-
dali fuerit inquisitione compertum, necesse est vt crimi-
natores iusti districcionem iuris exhorreant, & in crimina-
to innocentiae suæ seruentur illibata suffragia. Executio-
nenem vero antefati negotii Antonino subdiacono nostro
ex nostra præceptione mandauiimus; quatenus eius in-
stantia & quæ sunt legibus Canonibusque placita decer-
nantur, & decreta, iuuante Domino, mancipentur effe-
ctui.